

Date – 05/12/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Chief Minister Pu Lalduhoma'n State sum leh pai dinhmun siamtha turin an tang hle a, a tlem thei anga sum puk an duh tih a sawi.
2. Rajya Sabha MP Pu K.Vanlalvena'n Sangau atanga Saisihchhuah inkar kawng sialna tur sum hnuh let chu a rem loh thu nimina DoNER Consultative meeting ah a sawi.
3. Adviser to Chief Minister Pu H. Ginzalala'n Mizoram leh Manipur inkalpawhna kawng siamtha turin sawrkarin theihtawp a chhuah a ti.
4. President Draupadi Murmu chuan kum 2047-a ram changkanga India siam turin agriculture chu a kawng pawimawh ber a ni a ti.

<><><>

CM

Chief Minister Pu Lalduhoma'n State sum leh pai dinhmun siamtha turin an tang hle a ti a, a tlem thei anga sum puk an duh tih sawiin state matching share nei sang chi scheme chu a tam thei ang bera pumpelh a ngaih thu a sawi.

Aijal Club Conference Hall-a Mizoram Finance & Account Service Association te 29th Annual General Conference vawiina neih a hmanpui na ah sawiin Kalphung thar sawrkarah officer te eirukna lakah an fihlim ngei tur a ni a ti a, sum puk tlemn an duh tih sawiin overdraft loa kal hram an tum a ti a, K. Deposit tih tlem an tum tih sawiin state sum leh pai dinhmun siamthat an tum tih a sawi bawk.

Chief Minister chuan Inrenchem kawngah Assembly legislators ten bul an tan a ti a, an hamthatna tihtlem niin official te pawh an ti tlem tih sawiin hei hian nasa takin sawrkar sum kal ral tur a veng thei a ti a, sawrkar hnathawk hluawh chu mi tamtak inngahna anih avangin muang loa buaipui vat zel a ngaih tih sawiin central scheme behchhanna hlawh la te harsatna tawh chinfel dan kawng ngaihtuah sak a pawimawh thu a sawi bawk.

Pu Lalduhoma chuan Healthcare bill ba, MR bill ba tihfel an tum zel a ti a, Kalphung tharah sawrkar hnathawkte eirukna lakah an fihlim tur ani tih sawiin Mizoram mipuiten an beisei inrelbawl na tha a awm theih nan project monitoring lamah tan an la nasa a ti a, Bana Kaih hnuaiah eizawna mumal zawk mai nilo mimal nunphung leh rilru thlenga hmasawna a awm theih nan sawrkarin theihtawp a chhuah thu a sawi bawk.

<><><>

RS MP

Rajya Sabha MP Pu K.Vanlalvena'n Sangau atanga Saisihchhuah inkar kawng sialna tur sum hnuh let chu a rem loh thu nimina DoNER Consultative meeting ah a sawi.

Mizorama Rajya Sabha MP Pu K. Vanlalvena chuan Parliament Monsoon session neih zawh takah August ni 8-a a zawhna Union Minister of

State for DoNER Sukanta Majumdar an Myanmar ramri panna kawng Sangau to Saisihchhuah kawng sialna chhanna chungchang he thutkhawmah hian a sawi chhuak a, kum 2021 February ni 10 ah he kawngpui laihna tur pawisa chu DoNER in NEC kaltlangin sanction order a tihchhuah thu leh hna thawktu atan Mizoram PWD thlang lova BRO an thlan zawk avanga harsatna tawk an nih thu a sawi.

Nimin tlai khan Development of North Eastern Region(DoNER) Consultative meeting , Parliament Anexie building Committee roomah Union Minister of DoNER PU Jyotiraditya M.Scindia kaihhraina in an thu khawm a.DoNER hnuai North East state a hmasawna hna thawh lai mek te chungchang an thlir ho.

Pu K. Vanlalvena chuan PWD te ruahmanna pawm duh lova BRO ten Pangkhua paltlanga kawngpui sial an tum avang leh Pang khaw mipui ten compensation pek an phut avanga he project hi kal tluang lo a nih thu sawiin PWD te ruahman ang chuan kawngpui hian khawchhung a paltlang dawn loh avangin compensation ah harsatna a awm dawn loh thu a sawi a, project chu Chief Minister kalchhuak Pu Zoramthanga ngaih pawimawh zing ami a nih avangin pawisa pek tawh hnuhkir chu a remloh thu a sawi bawk.

He thutkhawmah hian Meeting Chairman leh DoNER Minister Jyotiraditya M. Scindia chuan hemi chungchang hi hun dangah uluk zawka sawi dun pui turin Pu Vena chu a sawm a. A tul dan anga a bawhzui tur thu a sawi bawk a ni.

<><><>

ART&CULTURE MINISTER

Art & Culture Minister Pu C. Lalsawivunga'n mumal leh tha zawka Mizo hnam history ziah that chu thil pawimawh tak ani a ti a, Mizoram leh hnam tana history dik leh belhchian dawl a awm theih nan theihtawp chhuah a pawimawh thu a sawi.

Mizo History Association (MHA) Annual Conference vawi 44-na leh 'Rewriting Mizo History' tih thupui hmanga Pachhunga University College Seminar Hall-a MHA-in seminar an buatsaih a hmanpui na ah sawiin Pu C. Lalsawivunga chuan Ziak mi leh zirbing mite chu, ram leh hnam tana an hlutzia inhre nawn fo tura chahin Mizo hnam sulhnu tha taka ziaka dahthat chu ngai pawimawh fo turin a chah a, history dik leh belhchian dawl a awm theih nan ziaktute theihtawp chhuah turin a chah bawk.

He hunah hian Pu C. Lalsawivunga chuan Historical Journal, Mizoram 2024 a tlangzarh a. MHA President Prof. Sangkima chuan Mizo hnam chanchina Pu R. Vanlawma sulhnute tih thupui hmangin paper a present a ni.

<><><>

ADVISER TO CM

Adviser to Chief Minister Pu H. Ginzalala'n Mizoram leh Manipur inkalpawhna kawng siamtha turin sawrkarin theihtawp a chhuah a ti a, Helicopter service tam zawk a awm theih nan sawrkar laipuah an dil thu a sawi.

Manipur-a zohnahthlak Martar 12 te sunna hun Peace Ground, Tuibuang-a neih a hmanpui na ah he thu hi sawiin Pu Ginzalala chuan Mizoram leh Manipur inkalpawhna kawng tha a awm theih nan sawrkarin hma a la mek a ti a, furpui thlen leh hma ngeiin kawngpui tha neih an tum tih sawiin Tuivai lei dawh hna pawh thawh mek a ni a ti a, Helicopter service a awm theih nan theihtawp chhuah a ni tih sawiin Khawdungsei ah helicopter service a awm theih nan sawrkar laipuah an dil a ti a, Mizoram chu chak lakna pawimawh tak anih avangin theihtawp an chhuah mek a ti bawk.

Champhai North bialtu MLA chuan Manipur zohnahthlak te chu inngeih tlang taka tan ho a pawimawh a ti a, induhsaka inhmangaih tur annih lain

inlunguallohna a awm thin chu pawl a tih thu sawiin tangrual turin hnam tin te tan lak thar a pawimawh a ti bawk.

Pu Ginzalala chuan Mizoramah hnam tenau te duat tak leh tha taka enkawl thin an ni a ti a, hnam te zawk te chu duhsak an hlawh thin tih sawiin rorelna tha a awm avangin hnam hrang hrang awm mahse inlungrual takin an awm thin a ti a, Manipur ah erawh rorelna tha a awmlah avangin hnam tenau te nek chep an ni a ti a, sawrkar laipui chu a rang thei anga an buaina chingfel tura an duh thu sawiin inremna tluantling a awm theih nana hma la thuai turin an duh thu a sawi bawk.

<><><>

SCHOOL BAG

Sikul naupangte sikul kai ip rit lutuk avanga zirilaite'n harsatna an tawh loh nana hma lakna kal mek chungchang sawi hovin vawiin khan Lunglei DC Conference Hall-ah District Bawrh sap Pi Navneet Mann kaihhruiin thut khawm a ni.

He thut khawmah hian Lunglei District chhunga sikul tin dinhmun hriat a nih theih nan report format siamin sikul tin chhantir ni se tih a ni a, endikna tur checklist thar nen kum thar lamah sikul endikna kalpui chhunzawm a. Sikul hotute ko khawma hma lak dan tur inhrilhfiarna leh sawi hona buatsaih rel a ni bawk.

<><><>

WINTER FLOWER FESTIVAL

Pangpar Zuar Association buatsaih Winter Flower Festival 2024 December ni 2 atanga tan Vanapa Hall – a neih chu vawiin khan khar a ni.

PPZA Member Pi Zorini chuan ni 4 awh Winter Flower Festival chu mipuiin an hlut hle tih sawiin, tlawhtu leh dawrtu mi thahnem tak an neih thu a sawi a. Pangpar zawrh chu chhungkaw tam tak eizawna a nih thu sawiin member te pawn festival hi an hlawkpui thin hle a ni a ti.

BYTE...PPZA Member Pi Zorini

Pangpar Zuar Association (PPZA) ah hian member 60 atang 70 awmin kumtin flower festival hi an buatsaih thin a, kumthar February thla hian flower festival neih leh thuai an inbeisei thu an sawi bawk.

<><><>

PRESIDENT

President Draupadi Murmu chuan kum 2017-a ram changkanga India siam turin agriculture chu a kawng pawimawh ber a ni a ti. Vawiina Odisha University of Agriculture and Technology Convocation vawi 40-na Bhubaneswar-a neih a hmanpuinaah President Murmu-i chuan sik leh sa tha leh mithiam tak takte, leilung hausu leh technology thang zel avanga ramin agriculture lama hlawkna a neih belh zel thua sawi a. Agriculture scientist-te chu thiamna thar nen loneituten harsatna an tawh mek khuarel chhiatna, sik leh sa inthlak leh leilung tihchhiat zel laka venna ngaithuah chhuak turin a chah a ni.

Vawiin convocation ah hian President Murmu-i chuan hmeichhia ten mipa aia an ti tha zawk chu a lawmpui thu a sawi bawk a ni.

<><><>

MAHARASTRA CM

BJP hruaitu senior Devendra Fadnavis chu Maharashtra Chief minister atan vawin tlai khan lakluh a ni a. Mumbai-a Azad Maidan-ah Governor CP Radhakrishnan chuan rinawmna thu tiam tirin a lalut a ni. Chief Minister rual hian Cabinet minister te lakluh an ni bawk.

Maharastra Assembly inthlan neih zawh takah khan BJP kaihhruai Mahayuti hian seat 288 ah 230 an la a. Mahayuti ah hian BJP bakah Shiv Sena leh Nationalist Congress party te an tel a ni.

Vawiin, Maharastra Chief Minister lakluh inkhawmah hian Prime Minister Narendra Modi, Senior Union Minister, Governor, NDA sawrkarnaa Chief Minister, party official leh Mahayuti hruaitute an tel a ni.

<><><>